


საბჭოთა ხელოვნება

საქართველოს სსრ კულტურის სამინისტროს ორგანო



1

სახელმწიფო გამომცემლობა „საბჭოთა საქართველო“

თ ბ ი ლ ი ს ი

1960

ფრანს მაზერელი

დაბადების 70 წლისთავის გამო

ა.ად. გიორგი ჩუბინაშვილი



ელს სრულდება 70 წელი მრავალი სიახლითა და მკაცრი წინააღმდეგობებით სავსე ჩვენი მნიშვნელოვანი ეპოქის მხატვრის, ცნობილი ფლანდრიელი გრაფიკოსისა და საინტერესო ფერმწერის, ფრანს მაზერელის დაბადებიდან.

მაზერელი თითქმის 30 წლისა იყო, როცა საზოგადოება პირველად გაეცნო მის ხის გრაფიურებსა და ტუშით შესრულებულ ნახატებს. ამ დროისათვის ის საკვებით ჩამოყალიბებული იყო, როგორც ადამიანი და მოქალაქე, ჩამოყალიბებული იყო მისი შეხედულება საზოგადოებრივ და პირად ცხოვრებაზე. მის პირველსავე ნამუშევრებში გამოვლინდა კომპოზიციური გადაწყვეტისა და შესრულების ტექნიკის მკაფიობა და გარკვეულობა. მაზერელი ინდივიდუალური ხელის მქონე ოსტატია. მართალია, ორმოცი წლის მანძილზე მაზერელის ქილოგრაფიებში ზოგჯერ შესამჩნევია ამა თუ იმ მხატვრული ხერხების უმნიშვნელო ვარიაცია, მაგრამ ეს ყოველთვის დაკავშირებული იყო ნაწარმოების სიუჟეტთან და ნაკარნახევი იყო უფრო გამომსახველად გაფორმების სურვილით.

ჯერ კიდევ მისი შემოქმედების დასაწყისში, 1923 წელს, სტეფან ცვაიგი ასე ახასიათებდა მაზერელის დამოკიდებულებას სინამდვილისადმი: „მას უყვარს ყველა ეროვნება, ყველა ეპოქა, ძველი და ახალი, რომანტიკა და ინდუტრია, და მე არ ვიცი სხვა რამ, რაც მშვიდობის ამ მოტრფილეს ძულდეს აღნეცხაზე ისე, როგორც ის ინსტიტუტები, რომელთა აზრი და დანიშნულებაა გააცივონ, დაახშონ, დაჩლუნგონ ყოფის სისხლსავე სიხარული, ცოცხალი ცხოვრება ჩაჭედონ ხელოვნურ ჩარჩოებში. ის მტერია იმ სახელმწიფოსი, რომელიც ნერგავს ძალადობასა და უსამართლობას, მტერია იმ „საზოგადოებისა“, რომელსაც თავისი თავი მიაჩნია „უმადლეს“ კასტად და სურს, რადაც არ უნდა დაუჯდეს, შეინარჩუნოს თავისი ძალაუფლება. თუმცა იგი პოლიტიკოსი არ არის, მაგრამ ყოველთვის იბრძვის სუსტების მხარეზე. მან სამარცხვინო ბოძზე გააკრა თავისუფლების ყველა მტერი, ომის გამჩალებლები, სპეკულანტები, მართლმსაჯულების ქურუმები, ეგოისტური მორალის ყველა წარმომადგენელი, ანგარებიანი ნიშნების მფარველები. მისი მსოფლმეგობრება ჯერ იტანს იმას, რაც ძალადობას იჩენს ქვეყანაზე, რაც არღვევს სამყაროს წმინდა ერთიანობას“.

ეს დახასიათება ეხება მაზერელის მთელ შემდგომ მღელვარე შემოქმედებით ცხოვრებას.

მაზერელი დაიბადა ბელგიაში 1889 წელს. გენტის სამხატვრო სკოლაში ცოტა ხნის სწავლის შემდგომ (ფერწერას სწავლობდა პროფ. ჟან. დელვინთან. გრაფიკას — ოფორტისტ ვიულ დე ბრიუიკერთან, რომელსაც უყვარდა რაბლეს, ედგარ პოს, ბოსხისა და ბრეიგელის სტილის ფანტასტიკა). ოცი წლის ჭაბუკი მოგზაურობას იწყებს უცხო ქვეყნებში, ჩადის ლონდონში, შემდეგ პარიზში. ჩრდილოეთ აფრიკაში. 1914 წლიდან ჟენევაში. აქ ომის წინააღმდეგ, მშვიდობისათვის ბრძოლაში (მის შეგობარ რომენ როლანთან ერთად) საბოლოოდ ყალიბდება მისი ტალანტი და მხატვრული ძალა. რომენ როლანთან ერთად მაზერელი ჯერ მუშაობს წითელ ჯარში, 1917-დან 1920 წლამდე კი ჟენევის ანტიმილიტარისტულ გაზეთებში, რომლებშიც ამ წლების მანძილზე 1000-მდე ნახატი გამოაქვეყნა.

ნახატების კრებულის მოკლე ავტობიოგრაფიულ შესავალში (კრებული 1926 წელს გამოიცა პარიზში) მაზერელი თავისთავის შესახებ გვაცნობებს: „დავიბადე 1889 წელს ბლანკენბერგში, ფლანდრიაში. ჩემი მშობლები ფლანდრიელები არიან. ბავშვობა ბედნიერად გავატარე. რადგან ბევრს ვთამაშობდი და ცოტას ვსწავლობდი. მხატვრობაში ვვარჯიშობდი გენტში, სადაც ექვსი თვის მანძილზე სამხატვრო აკადემიაში დადიოდი. ამას მოჰყვა გერმანიაში, ინგლისში, ტუნისსა და შვეიცარიაში საკმაოდ ღიბანს ცხოვრება, რომლის შემდეგ (1921 წ.) რამდენიმე წელიწადს პარიზში დაიწყე. მუდამ ბევრს ვხატავდი და ვფიქრობ მომავალშიც ბევრი ვიმუშაო“.

მეორე შემთხვევაში მაზერელი კრიტიკულად იკონებს თავისი ცხოვრების აღრინდელ პერიოდს და ისევ როგორც გრაფიკაში, მის სიტყვებშიც ლაკონურად ვლინდება, თუ როგორ მღელვარედ ეძებს ის პასუხს ცხოვრების მწვავე საკითხებზე. „ომამდე (1914 წ.) მე ჩაძირული ვიყავი უხეშ, წმინდა ფლამანდურ რეალიზმში: ბაზრები, საზოგადოებრივი ბალები, ქალები, მეზღვაურები... ყოველივე ეს ვეღური და სევდიანი იყო. არსებითად მუდამ

ფრანს მაზერელი

ანრი ბარბუსი, 1921 წ.





ფრანს მასჩერელი გრაფიკა სერიიდან „ადამიანის ტანჯვის 25 სურათი“, 1918 წ.

სევდიანი ვიყავი, მიუხედავად იმისა, რომ შემიძლია ძალიან კმაყოფილი და მხიარული ვიყო. მე ცხოვრების, ქუჩის, ნავსადგურთა ჩანახატების მთელი დაატა მაქვს. ყოველთვის ბევრს ვმუშაობდი, მაგრამ მხოლოდ ჩემთვის. ყოველივე ამის უღრმესი აზრი კი ხელიდან მისხლტებო-

ფრანს მასჩერელი ნახატ გავითხასთვის „La Faulle“ 1917 წ.



და, და მე ვგრძნობ, ომი ძალზე დამეხმარა, რომ ეს გასაგები გამხდარიყო ჩემთვის“.

რომენ როლანის ცნობით, პირველი მსოფლიო ომის დროს მასჩერელი შედიოდა მხატვართა მკირე ჯგუფში. რომელსაც არ სურდა მონაწილეობა მიეღო მოძვეთა ხოცვა-ჟლეტაში და პირიქით, მტკიცედ სწამდა სულიერი ინტერნაციონალი“.

ამხილებდა რა ომის გამჩაღებელთა სიყალბეს, პირფრობასა და ცბიერებას თავის ნახატებში, (რომლებსაც იგი ყოველდღიურად აბარებდა გაზეთ „La Faulle“-ს), მასჩერელი აღვიძებდა შეგნებას და თავის აღშფოთებას გამოხატავდა. იმავე დროს, 1917 წელს, ის ქმნის ხის გრაფიურების რამდენსამე სერიას („აღსდქეთ, მკვდრებო!“ და „მკვდრები ლაპარაკობენ“) და ასურათებს ვერპარნის პოემებს.

„სულითა და გულით მდიდარი კოლოსის“ — მასჩერელის შემოქმედების ამ პერიოდზე რ. როლანი ასე წერდა: „ყველა მის შთაბეჭდვე სერიას ხილვათა ძალა აქვს. ისინი ნათლად გვისურათებენ იმ განცდებს, რომელნიც მხატვრის სულს აფორიაქებდნენ. მხატვარი დათრგუნა ამ ძალამ. მას სიკვდილის ხატება ჰქონდა მუდამ თვალწინ. ის შეეცადა თავი დაეღწია მისგან და მიუბრუნდა ცხოვრებას, მშვიდობიანობის დროის ცხოვრებას. მაგრამ მან აღმოაჩინა, რომ აქაც იმგვარივე ჩაგვრა, უსამართლობა და მუდმივი ომი ყოფილა. ამის შეგნებას ასახავს მისი ერთერთი გასაოცარი ნაწარმოები: „ადამიანის ტანჯვის 25 სურათი“. აქ გმირის — უბრალო მუშის მორალური სიდიადე სოციალური არსებობის ტანჯვასა და შეურაცხყოფაზე უფრო მადლად დაყენებული. ჯალათებს, რომლებიც მას ასამართლებენ და კვლავ, მუშა თავს ახვევს თავის სტოიციზმზე დაფუძნებულ თავდაპირილობას. ეს იყო პირველი ნაბიჯი მწვერვალებისაკენ, აღდგომის შესახვედრად, მას შემდეგ მისი სული წავიდა განთავისუფლების უფრო ნათელი გაგების გზით“.

და მართლაც, 1919 წლიდან იწყება განსაკუთრებული, გასაოცარი პროდუქციულობა გრაფიკოს მასჩერელისა. მან გამოსცა გრაფიურების ორი სერია (167 ქსილოგრაფიისაგან შემდგარი ერთგვარი დღიური) და 67 ქსილოგრაფია სახელწოდებით „მზე“, გააკეთა ილუსტრაციები რვა სხვადასხვა ლიტერატურული ნაწარმოებისათვის, საერთო რიცხვით, ას ქსილოგრაფიამდე. მათ შორის რომენ როლანის ანტიმილიტარისტული პიესისათვის „Liluli“, რომელიც ოცჯერ გამოიცა. 1920 წელს მათ მოჰყვა „მზის“ ანალოგიური სერიები, როგორც იყო „ისტორია სიტყვების გარეშე“ (60 ქსილოგრ.), „იღია, მისი დაბადება, სიკოცხლე, სიკვდილი“ (83 ქსილოგრ.), ამასთან ფრანგულ და გერმანულ ენებზე გამოცემული ათიული ლიტერატურული ნაწარმოების ასამდე ილუსტრაცია.

თუ ომის წლებში მასჩერელის ურადღება მიპყრობილი იყო მეომარი ხალხის საშინელი უბედურებისა და წამებისადმი, ომის შემდგომ ის ცხოვრების ზოგადი უმნიშვნელოვანესი საკითხებით დაინტერესდა. ცხოვრების აზრი, მისი მიზნები აინტერესებს მასჩერელს როგორც დიდი ევროპელი მწერლების ნაწარმოებებში. ისე საკუთარ პოემებში, ე. ი. თავის ქსილოგრაფიებში. მის „დღიურში“ ასახვას ჰპოვებს მხატვრის დაკვირვება ევროპულ საზოგადოებაზე. მისი ცხოვრების კონტრასტებზე. მასჩერელი ცხოვრების ამ სურათებისაგან ისვენებს მხოლოდ მაშინ, როცა ბუნების წიაღს, მის სიმყუდროვეს მიმართავს.

„მზე“ თითქოს ისტორიაა ადამიანის სწრაფვისა ბედნიერებისაკენ, ნათელი, შორელი იდეალებისაკენ. ამ გზაზე არის დამარცხებაც და დაცემაც. მზის სინათლით დამწვარი გმირის ტრაგედია. „ისტორია უსიტყვოდ“ ერთი ქალიშვილის სიყვარულის ამბავს მოგვითხრობს. მასში შეყვარებული ვაჟი დაბეჯითებით ცდილობს მოიგოს პირველი გოგონას გული და ყველა მის სურვილს ასრულებს. როცა რწმუნდება, რომ ყველაფერი ამაოა, ვაჟი ზურგს აქცევს მას. მაშინ ქალიშვილი ცდილობს

დაიბრუნოს მისი კეთილი განწყობა და მთლიანად ამე-
 ლანებს თავის თავს. ვაჟი ხედავს, რომ სრული შეუსაბა-
 ნობაა ამ ქალზე მის წარმოდგენასა და მას შორის. ...იღეა,
 მისი დაბადება, სიცოცხლე და სიკვდილი“ გვიამბობს,
 როგორ დაიბადა ადამიანის თავში ახალი ბრწყინვალე,
 ძვირფასი იღეა, რომელსაც შეუძლია განსაზღვროს საზო-
 გადობრივი ცხოვრების დიდი მონაკვეთი, განსაზღვროს—
 კაცობრიობის მორალური ყოფაქცევა. ეს იღეა, როგორც
 ათენა ზევსის თავიდან, ისე იშვა მაგიდასთან მჯდომი ადა-
 მანის თავში და მას ქალის სახე ჰქონდა. მაგრამ მან თავისი
 პირდაპირობით, სიშიშველით შეაშფოთა მეშჩანური საზო-
 გადობა. მას დაეღვენებოან, ხელთ იგდებენ, თავის გე-
 ნოზე მართავენ. იღეა კი — თავისი ჰემმარიტი აზრის
 აპგვარი გაყალბებით შეწუხებული — ცდილობს დააღ-
 წიოს თავი ამ სამოსელს. ამას მისდევს სხვადასხვა პერი-
 პეტიები — ციხეში ჩასმა, გასამართლება, იმ მოხუცი მიც-
 ნიერის სამართალში მიცემა, რომელმაც იღეა წიგნში
 ზოათავსა; შემდეგ მიწის მუშებთან მისვლა და მათ მიერ
 იღის მოწოდებათა შეგნება, შემდეგ კი სტამბაში
 შეპარვა და იქედან — დაბეჭდილი სახით გაავრცელება
 მთელ მსოფლიოში. მეშჩანური კანონი ცდილობს ცეცხლს
 მისცეს ამ აკრძალული იღის შემცველი წიგნები და აუტო-
 ლადუს მართავს. მაგრამ იღეა ცეცხლისაგან აღდგა და ტე-
 ლეგადაცემათა ყოველგვარი საშუალებით ყველგან მოგზა-
 ერობს, ყოველგვარ ზღუდეს ლახავს. დასასრულ — ამდენი
 განსაცდელის შემდეგ — იგი უბრუნდება თავის შემოქმედს
 და აღმოაჩენს, რომ მას უკვე ახალი იღეა მოსვლია თავში
 და ისიც კვლავ უნდა გადაიხროლოს ქვეყნად. ქაილოგრა-
 ფიების ამ სერიასი ისევე, როგორც სხვებშიც, იმდენი გან-
 სხვავებული დეტალია, რომ შეუძლებელია აქ ერთი რო-
 ჰელიმე გარკვეული იღის „ჩასმა“. აქ მინიშნებულია
 აღეები საფრანგეთის რევოლუციური ქრისტიანობისა,
 სოციალიზმისა და სხვა იღეები, რომლებიც კაცობრიობის
 ისტორიის დიდ პერიოდებს ახასიათებდა.

ამ სერიების დამახასიათებელია ადამიანის ცხოვრების
 (როგორც ეკრძისი, ისე საზოგადოებრივის) დიდი ზოგა-
 ლი საკითხების რთული გადაწყვეტა: ერთი მხრივ — ზო-
 გადი პრობლემების გადაწყვეტისადმი მისწრაფება; მეორე
 მხრივ — ცხოვრებაში ამ პრობლემათა ხორცშესხმის
 გზაზე დამარცხებათა და სიძნელეთა ჩივინება.

თუ საგაზეთო ნახატებს მაზერელი მსუბუქი და თარ-
 თო ფუნჯით ასრულებდა და მხოლოდ ძირითად შუქ-
 ჩრდილს გადმოსცემდა, სერიულ ილუსტრაციებში ის
 ეძებს მთელი კომპოზიციის გამაერთიანებელ განწყობი-
 ლებას. შავისა და თეთრის ფართო ლაქების განლაგებას.
 ეს კარგად ჩანს ქსილოგრაფიაზე, რომელიც მუშის დახვ-
 რეტის სცენას გამოხატავს. ლაკონურ, მკაფიოდ წასაკითხ
 კომპოზიციას, რომელზეც შავ კედელთან მდგარი სიკვ-
 დილმისჯილია გამობატული, ჰკვეთს ძლიერი შუქი. დიდ
 სერიებში ეს ხერხი კიდევ უფრო განვითარებულია. ცალ-
 კული კომპოზიციები აგებულია რიტმულად, შავისა და
 თეთრის მონაცვლეობა კომპოზიციის გადაწყვეტის ორი-
 განალური მომენტია.

შემდგომ წლებში, მეორე მსოფლიო ომის დამთავ-
 რებამდე, მაზერელი დროდადრო აკრძილებს ქსილოგრა-
 ფიულად, ლითოგრაფიულად და ტუშით შესრულებული
 ნახატების კრებულების გამოცემას, რომლებშიც კვლავ
 ჩანს მისი დაკვირვებანი და განწყობილებანი, მისი აღ-



ფრანს მაზერელი „უან-კრისტოფის“ ილუსტრაცია, 1925-27 წ. წ.

შფოთება და მრისხანე განაჩენი ცალკეული საზოგადოებ-
 რივი მოვლენების მიმართ. თვით სახელწოდებებიც კი
 დამახასიათებელია: „გროტესკული ფილმი“, „სხუები და
 გრიმასები“, „ქალაქი“, „დიდი ქალაქის სურათები“, „სი-
 რენა“, „დედაქალაქი“ და სხვ. ამავე დროს მხატვარი
 ქმნის ილუსტრაციებს სხვადასხვა ლიტერატურული ნა-
 წარმოებისათვის, მათ შორის, ასურათებს ბარბიუსის,
 ვერპარნის, მეტერლინკის, ტოლსტოის, როლანის, უალ-
 დის, მოპასანის, დე-კოსტერისა და სხვათა ნაწარმოებთ.
 1925 წელს, როგორც ჩანს, პირველად მაზერელი მო-



ფრანს მაზერელი
 „უან-კრისტოფის“
 ილუსტრაციები
 1925-27 წ. წ.



ფრანს ძახერელა „უღელმთიანეთის“ ილუსტრაცია

ნაწილებს გამოფენებზე ზეთითა და აკვარელით შესრულებული სურათებით, რომლებშიც მძიმე და მუქი ტონები ჭარბობს — მუქი მწვანე, მუქი ლურჯი, ყავისფერი, მუქი ნაცრისფერი. სიუჟეტები უმთავრესად ქალაქის წერეულ, დაძაბულ, კონტრასტებით სავსე ცხოვრებას ასახავს ან ბულონის ახლოს მუდამ მღელვარე ზღვის სანაპიროს,



ფრანს ძახერელი „უღელმთიანეთის“ ილუსტრაციები

სადაც მხატვარი პერიოდულად ზაფხულის თვეებს ატარებდა.

მაზერელისთვის, როგორც მუდმივად მაძიებელი ტალანტისთვის, ტიპურია ის, რომ აკეთებდა თოჯინებს, კერამიკულ ნივთებს, მუშაობდა თეატრალურ მხატვრობაში, მოზაიკურ კომპოზიციებზე, დასასრულ, კინოსცენარზედაც კი.

პირველი მსოფლიო ომის დამთავრების პირველ წლებში მაზერელის შემოქმედებაში კვლავ ჩანს დაკვირვება ევროპის ქალაქებზე, სადაც გამეფებულია ჩაგვრა და უსამართლობა, მუდმივი ომი, ისევე, როგორც ომის წლებში. ამას ნათლად მოწმობენ მისი ქვილოგრაფიებისა და ნახატების ცალკეული სურათები.

ავტობიოგრაფიულ ჩანაწერებში 1926 წელს მაზერელი ომის შემდგომ წლებზე ასე წერს: „ცხოვრების სკოლა იზიდავდა ჩემს ყურადღებას; ჩემი ღრმა რწმენით, იგი არსად არ გველაპარაკება ისე ცოცხლად, როგორც პარიზში. მაგრამ მე არ მაქვს არც დრო, არც განწყობილება დიდხანს ვილაპარაკო ჩემს თავზე, ან ჩემი ნამუშევრების შესახებ. მათი შექმნის თარიღებზე, ჩემს მიერ განცდილ გავლენებზე, ჩემი ცხოვრების წერილობრივებზე, ჩემს თეორიებზე — ვის არა აქვს დღეს თეორიები, იმედებსა და იდეებზე. მაგრამ მაინც უნდა დაკუმატო, რომ ცოცხალ თუ გარდაცვლილ მხატვართა შორის, როგორც ფერმწერი და როგორც ადამიანი, ყველაზე უფრო მიყვარს ვან გოგი.“

ამ სიტყვებში, შეიძლება ითქვას, მთლიანად ჩანს მაზერელის, როგორც ადამიანისა და მხატვრის, არსი.

და მართლაც, მაზერელის გრაფიკულ სერიაში ძლიერად ვლინდება მისი ნათესაობა ვან გოგთან. ამ წლების გრაფიკული სერია, სტეფან ცვაიგის სამართლიანი შეფასებით, „მონუმენტურია, როგორც თანამედროვე დიდი ქალაქის — ყველა ვნებათა ამ პანდემონიუმის მნიშვნელოვანი მონუმენტი, მილიონობით ადამიანთა ბედით, ხალხთა მასების ფართო ნაკადით, გაჭირვებისა და მამლარი სიმდიდრის, უქონლობისა და გარყვნილების ტრაგიკული კონტრასტებით. აქ არის პოლიტიკური დემონსტრაცია და დახვერტაც, სახრჩობილა და საბირკო აჟიოტაჟიც, ცათამბჯენების არქიტექტურა და ფინანსოურა მაგნატები, გაზეთების რეკლამურ-დეტექტიური და სენსაციური ხასიათი, ვარიეტე და რეჟიუ, თავაშვებული ღრეობა და ომის ინგალიდები, ქალიშვილის სუფთა პროფილი და უბედურ მეძავთა ნაირნაირი ტიპები, ახალი ღმერთი — მოკრივე და ძველი ღმერთი — პრიმადონა, და ა. შ. და ა. შ.“

ცხოვრების სევდის მომგვრელი სურათების გვერდით, მაზერელისთვის ერთგვარი დასვენება იყო მხატვრული ლიტერატურის დასურათებაზე მუშაობა. ამ ნამუშევართა შორის მნიშვნელოვანი ადგილი უჭირავს ისეთ დიდ ციკლს, როგორიც არის რომენ როლანის „უან-კრისტოფის“ ხუთტომიანი გამოცემა და შარლ დე-კოსტერის „უღელმთიანეთის“ ორი ტომი.

„უღელმთიანეთი“ ეს ეროვნული ეპოპეაა, რომელშიც ასახულია ნიდერლანდების ბრძოლა ესპანელ დამპყრობლებთან და კათოლიკურ ინკვიზაციასთან. იუმორით და მიწიერი ცხოვრების სიხალისით სავსე ამ ნაწარმოებმა



1926 წელს მაზერელის კალმით ადექვატური მრავალფეროვანი განსახიერება პოემა. წიგნში 50 ილუსტრაციაა მთელი გვერდის ზომისა და ასზე მეტი მცირე ზომის ნახატი ტექსტში. დიდ ილუსტრაციებში მაზერელი გამოყოფს უფრო მნიშვნელოვანებს მომენტებს, ან ისეთ ეპიზოდებს, რომლებიც ლირიკულად იტაცებდნენ მას და მთავარონებდნენ დასრულებული დიდი სურათის შექმნას. მცირე ზომის ილუსტრაციებში მხატვარი ზოგჯერ იმავე თემას ასახავს, რასაც დიდ გრაფიურებში, მაგრამ ყოველთვის ისეთივე მონდომებით, საინტერესოდ და ახლებურად წვეტს ამოცანას. ე. ი. ილუსტრაციების ზომა არაა გადამწყვეტი. ილუსტრაციები ერთგვარონადაა შესრულებული ორსავე შემთხვევაში, მაგრამ ავტორი სხვადასხვაგვარობას ქმნის იმით, რომ სასახლის სტენებს სწვეტს მუქ ტონებში, განსხვავებით ნიდერლანდურ ხაგვობათა ამსახველი ნათელი კომპოზიციებისაგან, თუ აღარაფერს ვიტყვით სოფლისა და ქალაქის მრავალრიცხოვან ხედებზე, პეიზაჟებზე, რომლებიც მზით გასხვივებულ დანახლისიანია. დამატებებლადაა მოცემული აგრეთვე ღამისა და საღამოს სტენები, ფარნით განათებული ქუჩები და ტავერნები, ზამთრის პეიზაჟები...

მეორე ხერხი, რომელსაც ნაირფეროვნება შემოაქვს შესრულებაში და რომელიც გამოყენებულია ფურცლის ზომის ილუსტრაციებშიც და ტექსტში ჩართულ ნახატებშიც, იმაში მდგომარეობს, რომ დახატულია თითო დიდი ფიგურა — ზოგჯერ მთელი ტანით არც კი, — და მისი სახის გამომეტყველება დაწვრილებითაა დამუშავებული; ასეთია პირველი დიდი გრაფიურა — ახლად დაბადებული ტულენშაიგელი, რომელსაც დედა ძუძუს აწოვებს. ამის საწინააღმდეგოდ, მრავალფეროვანი კომპოზიციებში, ფიგურები სხვადასხვა ზომისაა იმისდამხედვით, თუ რა ზომისაა კადრი, ან რამდენი ფიგურაა და როგორია მათი მოძრაობა. მთელი გვერდის ზომის, დიდ ილუსტრაციათა შორის, ამ მხრივ დამახასიათებელია, მაგალითად, გრაფიურა სარკმელთან მსხდომი სოოტკინითა და ნელეთი, რომელსაც ამოდ ელოდებიან ულენშაიგელს; მაზერელი აქ გვიჩვენებს, რომ სარკმლიდან ისინი ხედავენ ქალაქს, ქუჩის ცხოვრებას. ან — ხუთი პრინციის თათბირი ბუნართან, რომელშიაც ულენშაიგელია დამალული; ან მსტარხისტისკენ მოლაპარაკებისათვის მიმავალ ნიღბოსანთა (ვითომ ქორწილის მოწვევითა) გაკლა ესპანელთა ბანაკზე; ან ავადყოფ, მწოლიარე ნელეს მონახულება ღამესა და ტილის მიერ; ან — ბოლო ნაწილში — მკა, შრომა და სიხარული თავისუფალ ქვეყანაში. რამდენიმე ამორჩეული ილუსტრაციით მთელი სერიის სიმდიდრის გადმოცემა შეუძლებელია. მით უფრო, რომ წიგნში. შეიძლება ითქვას, ბევრია წმინდა პეიზაჟიც. ტყუილად კი არ ამბობდა მაზერელის ამ გრაფიკული ნაწარმოების შესახებ იკოვე სტეფან ცვაიგი: „მისი მშვენიერება ყოველგვარ სიტყვებს აღემატება. ყოველი ახალი ფურცლის ნახვა სულ უფრო და უფრო ინტენსიურად განიჭებს ხედნიერებას, რადგან აქ იშვიათი რამ მოხდა, სახელდობრ ის, რომ ილუსტრაცია და ტექსტი ისე შეუსისხლბორცდნენ ერთმანეთს, როგორც ზოგჯერ სიმღერაში ხდება ხოლმე. მადლობით გრძნობ: როგორც იქნა ელირსე წიგნს, რომე-



ფრანს მაზერელი

„ტულენშაიგელის“ ილუსტრაცია

ლიც მართო ამ ერთი სეზონისთვის კი არაა, როგორ ეს ახლა შემოვიდა წესად ამერიკულ ყაიდაზე (the book of the season). არაფერ ჩვენი დროის ნაწარმოები, რომელსაც დიდი ხნის სიცოცხლე უწერია“.

ფორმის მხრივ კიდევ უფრო მრავალფეროვნადაა გადაწყვეტილი მაზერელის მიერ ამოცანა ჟან-კრისტოფში.

შრომა და სიხარული თავისუფალ ქვეყანაში. რამდენიმე ამორჩეული ილუსტრაციით მთელი სერიის სიმდიდრის გადმოცემა შეუძლებელია. მით უფრო, რომ წიგნში. შეიძლება ითქვას, ბევრია წმინდა პეიზაჟიც. ტყუილად კი არ ამბობდა მაზერელის ამ გრაფიკული ნაწარმოების შესახებ იკოვე სტეფან ცვაიგი: „მისი მშვენიერება ყოველგვარ სიტყვებს აღემატება. ყოველი ახალი ფურცლის ნახვა სულ უფრო და უფრო ინტენსიურად განიჭებს ხედნიერებას, რადგან აქ იშვიათი რამ მოხდა, სახელდობრ ის, რომ ილუსტრაცია და ტექსტი ისე შეუსისხლბორცდნენ ერთმანეთს, როგორც ზოგჯერ სიმღერაში ხდება ხოლმე. მადლობით გრძნობ: როგორც იქნა ელირსე წიგნს, რომე-



ფრანს მაზერელი

„ტულენშაიგელის“ ილუსტრაციები



ყრახს ძახუოკლი გოავიუოა ციკლიდა „ძაიდან თეთრისაკენ“ 1939 წ.

ფრანს მაზერელი გრავიურა ციკლიდან „ცხოვრების ასაკები“, 1948 წ.



ნაწარმოების რთული და თავისებური ფორმის შესაბამისად, იგი, გარდა ძველი გვერდის ზომის დიდი გრავიურებისა და ტექსტში ჩართული მცირე ვერტიკალური ან პორტრეტული, ილუსტრაციებისა, აკეთებს კიდევ პატარა ნახატებს ტექსტის არძიებზე და დიდ ბოლოსართებს, რომლებიც თითქოს აჯამებს ეპოქის მთელ ნაწილებს. ეს ნახატები შესრულებულია საგანგებოდ გამომუშავებული განსხვავებული მანერით: კარიკატურა პაწაწა-კინტელა, მლიქვენელურად მოხრილი ფიგურები პერსონაჟის ფეხების ფიგურათა, რომელიც საზღერ-ოთხჯერ სჭარბოია ძათ, — ეს ხერხი სათახადო გადამუშავებით იშვორებს იმ ხერხს, როდელააც შუასაუკუნიებში იყენებდნენ კტიტორთა გამოსახატავად. ეს გრავიურაც თითქოს მხოლოდ ხაზებითაა ამოკვეთილი, იგი სრულიად ღია ფერისაა, ძირითადი ილუსტრაციებისაგან განსხვავებით.

უპკველია, რთა „ჯა-კოიბტოფი“ ცალკულ ნაწილთა გაფორებისას მაზერელს ტექსტის აწყობასთან პქობდა კობტაქტი, იმ მიზნით, რომ წიგნს მთლიანი, დასრულებული საიითი პქონოდა. ამ ნაწარმოებში, რომელიც რამდენიმე ასეული გრავიურისაგან შედგება, მაზერელი ერთი მხრივ აკეთებს ჩვეული ჩათოყალიბებული მანერით შესრულებულ, ჟეაფიოდ შეტყველ, გრავიურული თვალსაზრისით შვერულ გრავიურებს, რომლებსაც შიოაგანი, ზოგჯერ კი ფორმალური, რიტმული ურთიერთკავშირიც აქვთ და რომელხიც, საბოლოოდ, გარკვეულ სახეს ქმნიან: მეორე მხრივ, იგი პოულობს წიგნის მთლიანი გაფორმებისთვის დამატებით აქცენტებსაც. ამიტომ გასაგებია, რომ თვით ამ გრანდიოზული ეპოქის ავტორმა ასე შეაფასა მაზერელის ილუსტრაციები: „მე სრული რწმენითა და სიხარულით ვახდობ მაზერელს ჩემს სულიერ შვილებს. ამიერიდან მათი ბედის გამო დამშვიდებული ვარ. მე ვიცი, რა ბედიც არ უხდა ხედეს წილად ლიტერატურულ ნაწარმოებს, ძომავალში მათი სახე მაინც იცოცხლებს შთამომავლობის თვალში“.

მაზერელია ნიქსა და შემოქმედებას, რომელიც იმ დროისთვის უკვე საკვებით გამოვლინდა, კარგად განსაზღვრავს მისი შეგობარი სტეფან ცვაიგი. იგი მას აყენებს პენდელის, რუბენის, უიტმენის, ტოლსტოისა და ბალზაის გვერდით და ჩვენი დროის ერთ-ერთ უდიდეს ოსტატს უწოდებს მას... „ასეთი სრულყოფილი ადამიანების ხეღერია. დაუცხრომელი, ყოველდღიური შემოქმედება. მათთვის უცნობია შებოქილობა და მოღუნება, შემოქმედებითი აზრის უეცარი აღმადგრენა და დაცემა, რაც ახასიათებს იმ მხატვრებს, რომლებიც გუნების ნიხედვით ქმნიან. მათი შემოქმედი ენერგია ჰგავს უწყვეტ და თანაბარ ნაკადად მომდინარე წყაროს“. ცვაიგი აღიიშნავს მაზერელის მხედველობითი მესხიერების განსაკუთრებულ სიმახვილეს, რის წყალობითაც მხატვარი მარჯედ და მსუბუქად ქმნის თავის ყოველ ნაწარმოებს, ცვაიგი ხაზგასმით ამბობს, რომ „მაზერელი სულ ადვილად იპოვებს ნებისმიერ მოძრაობას — მტაკებლის ნახტომს, ყალყზე შემდგარ ცხენს, მატარებლის კლაკნილს მოსახვევში, სიხარულსა და მწუხარების გამომეტყველებას ადამიანის სახეზე“. მართლაც, ისეთ გრავიურებში, როგორცაა ხრახნისებრ კიბეზე ჩამომავალი კატა, ან ვაგონში ერთიმეორის გვერდით მსხდარნი ქალი და მამაკაცი, აღბეჭდილია ისეთი მოძრაობა და განწყობილება, რომელიც მხოლოდ წამიერად გამოკრთება და რომელთა გადმოცემაც მხოლოდ მხატვრის განსაკუთრებულ ნიჭს შეუძლია.

სტეფან ცვაიგის აზრით, „მაზერელის ნახატების ძალა არის არა მისი მანერის თავისებურებაში, არამედ არჩვეულებრივად ფართო ზედვაში, რაც მხატვრის ტალანტის მთავარი დამახასიათებელი თვისებაა. იგი საოცრად შუბამებულია ჩვეულებრივ ყოფით უბრალოებასთან — გმრომელი ადამიანის მომთმენ და ბეჯით შრომასთან... მან უკვე ათიათასამდე ნახატი და გრავიურა შექმნა. მიუხედავად ასეთი უმაგალითო პროდუქტიულობისა, არ არის იმის საფრთხე, რომ მისი შემოქმედებითი ენერგია ოდესმე

დაიღოს, ვინაიდან მისი მხედველობითი მეხსიერების მარაგი ამოუწურავია, როგორც თვით სამყარო“.

მართლაც, ცვაიგის ამ სტრიქონების დაწერიდან 35 წლის შემდეგ, მართლდება ეს წინასწარმატყველება. ზატერის შემოქმედებითი ეხერგია წლების მანძილზე არ გაღარიბებულა ისევე, როგორც წყაროს თანაბარზომიერი ხაკაღი. მისი კომპოზიცია ოსევე მტკიცედ და თავისუფლად იქმნება, ხასიათდება დამთავრებულობით, მიუხედავად იმისა, რომ მაზერელი დღეში სამ ნაწარმოებს ქმის.

თუ როგორ სხვადასხვაგვარად ასრულებს მხატვარი გრაფიურებს ხეზე, ამას მოწმობენ მის მიერ ილუსტრირებულ ნაწარმოებთა ავტორების პორტრეტები. 1921 წელს შესრულებული ანრი ბარბიუსის პორტრეტი მოცემულია პროფილში, ხაზგასმულია ხასიათი მწერლისა, რომელიც ყურადღებით შორს იმზირება. სახე ფარაქს მთელ კადრს, მის ირგვლივ ხალხის მოძრაეი, მღელვარე ტალღა და ცუცხლის მთრთოლავი ენები, ცაში კი გზისგამკვლევი ხუთქიმიანი ვარსკვლავები. ბარბიუსის სახე შესრულებულია ძლიერი, კუთხოვანი ჩრდილებით, ხოლო თეთრი და შავი სიბრტყეების უცნაური შეხამებით სავსებით დამაჯერებლადაა გადმოცემული მწერლის ჯიუტი, აწეწილი თმები.


ტუშით შესრულებული პორტრეტი რომენ როლანისა კვალევეს მწერლის საერთო იერს. როლანი მაგიდასთან ზის და მუშაობს. ნახატი მსუბუქი შტრიხებით გამოკვეთს ტიპურ პოზას, რომელიც ჩვენთვის ბეგრი ფოტოდანაა ცნობილი. მაგიდაზე დაყრდნობილი დამაბული ხელები, ფეხი ფეხზე გადადებული, უბრალოდ, სილუეტურად მოცემული ფიგურა ცოცხლად წარმოგვიდგენს მწერალს.

სხვაგვარად ხატავს მაზერელი ლევ ტოლსტოის პორტრეტს, რომელიც მისთვის მხოლოდ ფოტოდანაა ცნობილი. მთლიან შავ ფონზე, ყოველგვარი მოდელირების გარეშე, მოცემულია თავი ანფასში პატარა განმჭვრეტი თეალებით, სქელი წარბებითა და გრძელი წვერით. ნახატის მინიმალური საშუალებებით მაქსიმალური ეფექტითაა გადმოცემული დიდი მწერლის ფსიქოლოგიური იერი.

იმავე ხერხით, რომლითაც შესრულებულია ტოლსტოის პორტრეტი, — მთელი ფიგურის ძუნწი გამოკვლიებით ერთიან შავ ფონზე — მაზერელმა 1930 წელსვე დაასურათა, მგონი, ერთადერთი გრავიურით — ფრანსუა ვიონის „დიდი ანდერძი“. სიბნელებში იხატება ფეხზე მდგომი მწუხარე მამაკაცი, რომელიც ძველებურად ბატის ფრთით წერს გრძელ ქარტიაზე. იგი თითქოს კედელს მიყრდნობია და მთლიანად ამ ანდერძის წერითაა გატაცებული. თეთრი სიბრტყეების ცალკეული, მკვეთრად განათებული ნაწილები გარემოს სიშავეს ერთვის. მხოლოდ აქა-იქ, წვრილი წყვეტილი თეთრი ხაზით, დამატებითაა მოცემული ფიგურის კონტური.

• • •

1935—1936 წლებში მაზერელი ეწვია საბჭოთა კავშირს. ჩვენში იგი ბევრს მოგზაურობდა, ვოლგასაც ესტუმრა ასტრახანის მახლობლად, იყო ბათუმში. დიდი ყურადღებით აკვირდებოდა ხალხის ცხოვრებას, დაინტერესდა ბავშვების ხელოვნებით და აღიარებდა, რომ „ქარგი იყო შესაძლებლობა ქონოდა აერჩია თორმეტამდე მოწავე და ემუშავა მათთან. მე ვისურვებდი, რომ თვითეული მათგანი მისი ტექნიკური და იდეური მიდრეკილებების მიხედვით გამომეწერებინაო“. სწორედ ასე მუშაობდა იგი იმ ხანებში პარიზელ მუშებთან. საბჭოთა კავშირში მხატვარმა დაწერა რამდენიმე სურათი ზეთით: ლენინის მავზოლეუმი, ვოლგა, პეიზაჟები, გააკეთა ი. ბეზერის წიგნის „უცნობი ჯარისკაცის დაბრუნების“ ილუსტრაციები. მან ღირსეულად შეაფასა სოციალისტური კულტურის ნაციონალური ფორმები და, როგორც ჩანს, ამის შემდეგ შექმნა ნახატი, რომელშიც ასახა გახრწნის გზაზე დამდგარი კაპიტალისტური ქალაქი. ამ ფურცლებში, რო-



ფრანს მაზერელი ლევ ტოლსტოის პორტრეტი. 1930

ფრანს მაზერელი კოაკეტრა კელდან „სკაპეკა“ 1948 წ.





ფრანს მაზერელი ნახატი „ენ-კრისტოფისათვის“

მელიც „დედაქალაქის“ სახელწოდებას ატარებს, არის სარკაატული კომპოზიციები ბურჟუაზიულ დემოკრატიაზე.

ამ დროისათვის მაზერელის გზა, რომელიც პირველი მსოფლიო ომის დამთავრების შემდეგ დაიხატა, გზა აღდგომაა, თავისუფლების მკაფიო გაგებისა (რომენ როლანის სიტყვებით რომ ვთქვათ), უკვე სავსებით ჩამოყალიბდა.

მაზერელის სიტყვით, მხატვრის ადგილი ახალი სისტემისათვის მებრძოლთა პირველ რიგებშია, სისტემისა, რომელიც გამორიცხავს ომს, ადამიანის მიერ ადამიანის ექსპლოატაციას მხატვარმა არ უნდა დაივიწყოს, რომ ამ სამყაროს შესაფერ დიდ ხელოვნებას მიაღწევს მაშინ, როცა დაეყრდნობა ახახვის საშუალებათა სილამაზეს, რომ ამ პირობებში მისი შემოქმედება იქნება ბიძგის მიმცემი, რასაც შეეძლება შესძრას ადამიანის გული. სტეფან ცვიკის სიტყვებით, არ არის რა პოლიტიკოსი, ე. ი. თავისი ბუნებით აქტიური მებრძოლი და პოლიტიკური მოღვაწე, მაზერელი სოციალისტური მორალისა და მსოფლმხედველობის ნამდვილი წარმომადგენელია და ამ პოზიციებიდან გვიჩვენებს მის გარემომცველ ცხოვრებას თავის გრავიურებსა და ნახატებში. ხოლო მისი მოწაფეები ზაარბრიუენში, სადაც იგი 1947 წლიდან ასწავლის, მასთან ერთად იხილავენ არა მარტო ხელოვნების, არამედ საზოგადოებრივსა და უბრალო საყოფაცხოვრებო პრობლემებს.

მეორე მსოფლიო ომის წინ, 1939 წელს, მაზერელი ქმნის 57 ქსილოგრაფიისაგან შემდგარ ციკლს, რომელიც შვეიცარიაში, ციურიხში გამოიცა და ეწოდება „შავიდან თეთრისაკენ“. მას წამდვარებული აქვს ავტორის წინასიტყვაობა, რომელშიც ფორმულირებულია მისი პოზიცია, როგორც მხატვრისა, რომელიც იბრძვის აბსტრაქტული ხელოვნების ყოველგვარი სახეობისა და აგრეთვე სინამდვილის ფოტოგრაფიული ასახვის წინააღმდეგ, მონათხვს გამოხატვის საშუალებათა სილამაზის გამოყენებას. ათეული წლების მანძილზე მთელი მისი შემოქმედება ნათელი დადასტურებაა ამ სიტყვებისა. ხალისიან ცხოვრებასა და კოლექტიურ შრომაზე ნათელი ოცნება მან გამოატარა მეორე მსოფლიო ომის ბნელი წლების შემდგომ.

როცა, სხვათა შორის, დაილუბა მისი თითქმის ყველა აღრინდელი ნამუშევარი.

ციკლი „შავიდან თეთრისაკენ“ წარმოადგენს ფორმის მხრივ ერთგვაროვნად ჩაფიქრებულ, ნახატის მხრივ დამთავრებულ გრავიურებს, რომლებიც აკებულია გააზრებულად ამოკვეთილ ძუნწ თეთრ ხაზებზე. უკვე პირველი ფურცელი ველური ტყის ბურჟნარში ჩამდგარი სპილოს თავის გამოხატულებით, იძლევა ამ ტონს. ფურცელი კი, რომელზეც გამოხატულია ქურჩის კუთხეში მდგომი ორი მათხოვარი და შორს სინათლის რეკლამისკენ მისწრაფებული ბრბო, კიდევ უფრო ავლენს ამ თავისებურ ხერხს. მთელი ნაწარმოებისათვის დამახასიათებელ დამაჯერებელ ოპტიმისტურ ტონს კარგად ავლენს ახალგაზრდობის შეხმატკბილებული მუშაობის ამსახველი ფურცელი, რომელიც რიტმულადაა შესრულებული, და ციკლის დამამთავრებელი ნახატი — მომავლისაკენ ხალისით მიმავალი ახალგაზრდა წყვილი.

მეორე მსოფლიო ომის წლებში მაზერელის შემოქმედება ცვლავ მისკენაა მთლიანად მიმართული. მაგრამ ახლა მის ნაწარმოებებში არ არის აღშფოთება, გამკიცხავი ტონი, შეშფოთებული მოწოდება, არ არის აქტიური ბრძოლა ომის წინააღმდეგ. როგორც ეს იყო ახალგაზრდობის წლებში, თუმცა მხატვარი თავისი ხასიათით არც მაშინ იყო აქტიური პოლიტიკური მებრძოლი. ახლა ომისადმი მიძღვნილი ციკლები სრულიად სხვა ხასიათს ატარებენ და მთლიანად უპასუხებენ მისი ფსიქიკის წყობას. უკვე ამ ციკლთა სახელწოდება სხვაგვარი ენით, დაკვირვებისა და დაფიქრების ენით. ლაპარაკობს: „სიკვდილის ცეკვა“ (შესრულებულია 1941 წ., 25 ნახატისაგან შედგება) „ბედი“ 1943 წლისა, ადამიანთა ბედი და მათი წამება 1939-1942 წლებში, 44 ნახატი). აქ ნაჩვენებია ადამიანთა ცხოვრების სურათები, მათი ბედი ზურგში თუ ფრონტზე. ამ სერიის დასკვნითი ნახატი გამოხატავს ქალაქის ნანგრევებს, ერთ-ერთი დანგრეული შენობიდან ამოწვდილია ხელი სოლიდარობის აღმით, ხოლო მეორე შენობიდან მას საპასუხო სალამს აძლევს მეორე ხელი.

ფრანს მაზერელი

„დიდი ქალაქის

სურათები“ 1923



ასევე სხვა ციკლები — „დედამიწა სატურნის ნიშნით“ (20 ნახატი), ან „დაიხსომე“ (20 ნახატი) შესრულებულია 1944-1945 წლებში. დამახასიათებელია, რომ ყველა ეს სერია-ნახატი მხატვრის მიხედვით ფიქრებია და არა გრაფიკურებში განხორციელებული მხატვრული შთაგონება.

როგორც კი დამთავრდა ომი და დაიწყო მშვიდობიანი ცხოვრება, მაზერელს, რომელიც ომის დროს სამხრეთ საფრანგეთში ცხოვრობდა ბორდოს მახლობლად, ახალი თემები და ახალი იმედები შთააგონებენ. 1948 წელს პოემას პოემაზე ჰქვინს: „ცხოვრების ასაკები“, „სიჭაბუკე“ შედგება გრაფიკურებისაგან ისევე, როგორც მის მიერ ილუსტრირებული მხატვრული ლიტერატურის ნაწარმოებები. ორივე ეს სერია გამსჭვალულია კაცობრიობისადმი და მისი ნათელი მომავლისადმი რწმენით. ჩვენს წინ იშლება ცოდნას დაწაფებულთა სურათები, მეცადინეობა სკოლაში, კითხვა, კოლექტიური შრომა, ახალგაზრდა ოჯახის ხალისიანი ცხოვრება, ბავშვების აღზრდა და რიტმული შრომა. „სიჭაბუკე“ ტომას მანის შესავლით გამოიცა. მანი ასეთი სიტყვებით აკეთებს დასკვნას: „ჩვენ მოგიწოდებთ თქვენ იმედი იქონიოთ“. ამ გრაფიკურებს მაზერელი ასრულებს მკაფიო და ფართო შავი ხაზებით გამოკვეთილი ნახატებით, ხერხით, რომელიც მან შეიმუშავა ციკლში „თეთრიდან შავისაკენ“, მაგრამ უკვე საწინააღმ-

ფრანს მაზერელი რომენ ბოლანი. 1921 წ.



ფრანს მაზერელი „დიდი ქალაქის სურათები“ 1923 წ.

დეგო აზრით. მოყვანილი ილუსტრაცია გვიხატავს ახალგაზრდობის სასიხარულო მომავალს, აღსავსეს რთული და პროდუქციული შრომით.

მაგრამ გავიდა მხოლოდ რამდენიმე წელი და მხატვრის ფხიზელმა გონებამ და განმეგრეტმა თვალმა დაინახა, რომ კაცობრიობას ახალი უბედურება ემუქრება. 1953 და 1954 წელს გამოვიდა ტუშით შესრულებული მისი ნახატების ორი სერია, რომელსაც არ გავცნობივართ, მაგრამ რომელთა შესახებ მჭერმეტყველურად ლაპარაკობენ თვით ციკლების სახელწოდებები. „ჩვენი დროის აპოკალიფსისი“ და „აპოკალიფსური მხედრები“. ეს სახელწოდებები აშკარად ჩაგონებულია მისთვის კარგად ცნობილი ხის გრაფიკურებით „აპოკალიფსისით“, რომელთა ავტორია წინააღმდეგობით სავსე ეპოქაში მცხოვრები მადიებელი მხატვარი ალბრეხტ დიურერი.

ეს ნარკვევი მაზერელზე და მის გრაფიკაზე მინდა დავამთავრო ზეზოთ არაერთხელ ციტირებული ცვაიგის სიტყვებით: „მაზერელი ჩემთვის არის შეიღარებული ძალის განსახიერება, თვით სამყაროს ძალისა მისი დაუსრულებელი ცხოვრებით და მომწიფებული, შემართული ვაჟაკოლონი. მის გრაფიკურებში იგრძნობა კოსმოსის სუნთქვა... ის კეთილისმსურველია, როგორც ყველაფერი ბუნებრივი, ამაღლებული, როგორც ნამდვილი მხატვარი, როგორც ადამიანი, რომელიც მოწოდებულია გაამხნევოს, შთააგონოს და გაახაროს სხვა ადამიანები“.